

朝

鮮

志

撰人不詳

中華書局

叢書集成初編

朝鮮紀事（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

此據藝海珠塵本
排印初編各叢書
僅有此本

朝鮮志卷上

撰人不詳

清 南匯吳省蘭泉之輯

檀君肇國箕子受封皆都平壤漢置四郡二府自是三韓瓜分馬韓統五十四國辰卞韓各統十二國厥後新羅高句麗百濟三國鼎峙新羅之地東南至海西至智異山北至漢水高句麗東至海南至漢西北踰遼河百濟西南至海東至智異山北至漢新羅滅高句麗百濟及其衰也弓裔據鐵原稱後高句麗甄萱據完山稱後百濟高麗始祖統合三韓西北以鴨綠爲限東北以先春嶺爲界至我康獻王建都漢陽定爲八道中曰京畿西南曰忠清其西抵大海皆古馬韓之域高句麗百濟分據其地東南曰慶尙其東南抵大海本辰韓之地南曰全羅其南抵大海本卞韓之地後爲百濟所有西曰黃海其西抵大海古朝鮮馬韓舊地後爲高句麗所有唐高宗滅高句麗不能守其地新羅遂并之及季世爲弓裔所據高麗始祖盡有其地東曰江源其東抵大海本濊貊之地後爲高句麗所有西北曰平安西抵鴨綠江北接靺鞨本朝鮮故地後爲高句麗所有新羅文武王與唐將李勣攻滅之東北曰咸鏡東抵豆滿江北接靺鞨本

高句麗之地。八道之中。忠清、慶尙、全羅三道。地廣物衆。州郡雄巨。最爲富庶。俗尙詩書。人才之出。比諸道倍多。平安、咸鏡二道。境接靺鞨。俗尙弓馬。兵卒精強。

京都

北鎮華山。有龍蟠虎踞之勢。南以漢江爲襟帶。左控關嶺。右環渤海。

景福宮卽王宮。

勤政殿受朝正殿。

思政殿在勤政殿北。接引士大夫。講論治道之所。

康寧殿在思政殿北。

交泰殿在康寧殿北。

含元殿在康寧殿西北。

養心殿在康寧殿西。

不顯閣在思政殿東偏。夜引講官。諭難經史之所。

麟趾堂

在交泰殿東。

紫微堂

在交泰殿東。

清讌樓

在交泰殿東。

忠順堂

在後苑。王常不忘朝廷。揭此名堂。以寓敬順之誠。

隆文樓

在勤政殿東。

隆武樓

在勤政殿西。

慶會樓

在思政殿西。環樓爲池。池深廣稱芙蓉。中有二島。

欽敬閣

在康寧殿西。鑄銅爲山。高七尺許。置閣中。內設巧機。用玉漏水激之。使自輪轉。五雲繞日。朝夕出沒。又設司辰武士玉女。及十二神之儀。每時至。武士擊鐘。玉女奉時牌而出。十二神各于方所。輒自起立。時盡則

玉女還入。神亦還伏。其運若神。莫測其妙。山之四面。陳颶風四時之景。以爲候象授時敬天之所。

報漏閣

在慶會樓南。設座二層。三神在上。司時者撞鐘。司更者擊鼓。司點者扣鉦。十二神在下。各執展牌。時至自出。時盡還入。皆刻木爲像。激水爲機。不假人力。隨時自報。不差毫釐。爲術最妙。街中鐘鼓晨昏之節。皆

以此傳聲。

簡儀臺

在宮城內。西北隅築石爲臺。繚以石欄。置簡儀其巔。臺西植銅表。刻青石爲圭。圭面刻丈尺寸分。乃用影符取日中之影。推得一氣盈縮之端。又於昌德宮西麓。起瞻星臺。置小簡儀。觀天象。察氣景。候雲物。通衢

之德・築臺置仰釜・內刻周天度數・畫十二神・外列方位
・謂衡・南北衡腰・穿小竅以測日晷・使愚民知時早晚・

資善堂 世子引僚屬講讀
之所・在東宮・

昌德宮 在景福宮東・
王之別宮・

仁政殿 受朝正
殿・

宣政殿 在仁政殿東・亦
講論治道之所・

匪躬堂 在延英
門南・

昌慶宮 在昌德
宮東・

明政殿 受朝正
殿・

文政殿 在明政
殿南・

仁陽殿 在明政
殿西・

景春殿 在明政
殿北・

通明殿 在景春
殿北・

環翠亭

在通明殿北。

倫序亭

在後苑。常接于親兄弟諸君之所。

社稷壇

在京城內西。

先農壇

在東郊。

先蠶壇

在東郊。

厲壇

在北郊。

宗廟

在京城內東。

文廟

在成均館明倫堂之南。

慕華館

在城西郊外。館前立迎詔門。以寓尊敬朝廷之意。

各司

宗親府

宗室諸君之府。

議政府

總百官。平庶政。理陰陽。經邦國。

忠勤府諸功臣之府

儀賓府尙王女者之府

敦寧府王親戚之府

義禁府掌奉教推鞠之司

吏曹掌文選、勳封、考課之政

戶曹掌戶口、貢賦、田糧、食貨之政

禮曹掌禮樂、祭祀、宴享、朝聘、學校、科舉之政

兵曹掌武選、軍務、儀衛、郵驛、兵甲、器仗、門戶管綸之政

刑曹掌法律、詳獻、詞訟、奴隸之政

工曹掌山澤、工匠、營繕、陶冶之政

漢城府掌京都口帳、市廛、宴舍、田土、回山、道路、橋梁、溝渠、逋欠、負債、關殿、書巡、檢屍、車輛等事

司憲府掌論執時政、糾察百官、正風俗、申冤抑、禁濫僞等事

開城府掌治舊都

忠翊府原從功臣之所

承政院掌出納王命。爲任其重。必選堪爲宰相者爲之。由而陞爲六曹參判。及二品諸職。

掌隸院掌奴隸簿籍。及決訟之事。

司諫院掌諫諍論駁之事。

宏文館掌內府經籍。及書筵文翰之任。其選最重。議政府館閣吏曹。共議掄揀。然後方許除授。更日值宿。講劇治道。分御膳。賜宮醢。以寵之。

藝文館掌制撰辭命。

成均館掌儒學教誨。作成人才之任。

尙瑞院掌印章。符牌。節鉞。

春秋館掌在王左右。書言動。記時政。

承文院掌中書表文書。

通禮院掌朝儀排班引接。

奉常寺掌祭祀議
謚等事

宗簿寺糾察宗室
違之任

校書館掌印頒經籍
香祝印篆之任

司饗院掌供御膳
府供餉等事

內醫院掌和劑
御藥

尙衣院掌供御衣襪
內府財貨等物

司僕寺掌與馬廐
牧之任

軍器寺掌造兵器火
炮等事

內資寺掌內供米
醬油蜜酒

內膳寺掌諸宮殿供
進酒醪

司導寺掌御康
米穀

禮賓寺掌賓客宴享
政府官飯食
宗宰供饋
常監視議
進案時親自助舉

司贍寺掌造精貨。及貢布等事。

軍資監凡四所。掌軍需儲積。都中有二倉。漕運所會。江上有二倉。

濟用監掌進獻納布。人參。毛皮。及經染織造等事。

繕工監掌土木營繕。

司宰監掌魚鹽燒木。榘。炬。

掌樂院掌教閱聲律。

觀象監掌天文。地理。渾候。刻漏等事。

典醫監掌醫藥。

司譯院掌譯語方言。

世子侍講院掌侍講經史。規諷道義。

宗學掌宗室教誨。

脩城禁火司掌宮都城。脩築宮殿公廨。坊里救火。

典設司

掌提議
設等事

豐儲司

掌
紙・豆・草・芫
物

廣興司

掌
軍官雜事・工匠
兵雜務・虞給

典艦司

掌京外
舟艦

典涓司

掌治宮
庭

社稷署

掌
壇壝・掃

宗廟署

掌守衛
寢廟

平市署

掌
勾檢市廛・平斗・斛
丈・尺・低昂物貨

司醞署

掌酒
醞

義俎庫

掌油・蜜・黃
蠟・裘物

長興庫

掌
席子・油
氈・紙地

冰庫

掌藏
冰

掌苑署 掌苑 園

司圃署 掌園 圃

養賢庫 掌成均 儒生

典牲署 掌養犧 供

司畜署 掌飼雜畜 供宴享

造紙署 掌造表箋 咨文紙

惠民署 掌醫藥 療

圖書署 掌繪畫 之事

典獄署 掌獄 囚

活人署 掌救活都城病人 凡病人無歸者 官給粥料藥物 冬給煤炭 夏給冰

瓦署 掌造瓦 磚

歸厚署 掌棺槨 供匭相禮葬者 及士大夫賜輿 民庶貧乏者亦給

朝鮮志 卷上

中學 教諭小學之
士・他學同・

南學

東學

西學

中部 掌管內檢察非法・及橋梁道路里門警守
家代打量・人屍檢驗等事・他部同・

東部

南部

西部

北部

中樞府 凡宰相・或因病事故解務
者・授之・以示優待・

五衛都總府 掌治五衛
軍務・

訓練院 學科試武才・習設
武經・練習軍陣・

世子翊衛司

掌陪衛東宮。

讀書堂

在東湖幽靜處。妙選年少。文學有重望者。除本職。任仕務。輪番而往。內府書籍。隨意探討。使之溫習。涵養。

御醴珍膳。以示寵異。膏此選者。時人疑之登淫瀛。

風俗

崇尚信義。篤好儒術。禮讓成俗。柔謹爲風。士大夫喪葬祭禮。一依朱文公家禮。父母之喪。率皆廬墓三年。若有不謹者。不齒士列。其間或有啜粥終喪。不食鹽菜。或手自炊爨。以供奠事。婚娶必通媒納采。不娶同姓。士大夫皆立家廟。四時必享。忌日則子孫不食肉。祭其主於寢堂。六品以上祭三代。七品以下祭二代。庶人只祭考妣。若嫡長子無後。則衆子衆子無後。則妾子奉祀。旁親無後者。祔祭。嫡妾俱無子者。告官立同宗支子爲後。士族婦女。夫死則守節終身。士大夫妻亡者。三年後改娶。若因父母之命。或年過四十無子者。許期年後改娶。每歲王祀先農。躬耕籍田。以供粢盛。王妃享先蠶。養蠶于後苑。以率女工。每歲季秋。王行養老宴。參宴者皆除一級。孝子順孫義夫拜餉之。王妃宴婦人於內殿。拜餉節婦。皆有賜物。年百歲以上者。歲賜米。堂上官以上。年滿七十者。功臣父母妻。堂上官妻。並月致酒饌。二品

以上年尊德邵者，春秋賜宴，謂之老英會。孝友節義烈女，隨其行跡，或賞職賞物，或旌門復戶，清白吏見存者褒獎，身歿者，子孫亦皆錄用。戰亡人子孫，亦存恤錄用。宗親大臣之卒，舉哀輟朝，遣官弔祭，官庀喪事。因公在外身死者，亦致賻祭。宗室雖秩卑，期親以上，亦皆弔賻營葬，侍講官及臺諫，勿論品秩高卑，一皆賻給。遭親喪者亦如之。設歸厚署，備棺槨，以周民間倉卒之需。敗常犯賊者，婦人再嫁者，書名三司，其子孫不齒士類。五子登科者之親，歲賜米，歿則致祭贈爵。中文武科者，賜恩榮宴，其親存者，則令所在官給酒樂以榮之，名曰榮親宴。歿則設祭，謂之榮墳。中第一名者賜米。凡民因貧乏過期未葬者，昏嫁失時者，皆給資財，飢寒孤獨者，與老而無托者，亦給衣料。宏文館官員，更日直宿，王日開講筵，宰相臺臣，亦令輪參，又有夜對，以盡羣下之情。官至一品，年七十而係國家輕重者，不許致仕，賜教書几杖以優之。堂上官，實行二品以上職者，視其秩追贈三代。士大夫及軍卒，父母年七十，則一子歸養，八十則二子歸養，九十則諸子歸養。每歲夏月，頒冰于宗親，及文武堂上官，堂上官年老在散者，活人署病刑獄囚人並給。歷代及本國忠臣孝子烈女，所行卓異者，真撰成書，名曰三綱行實，譯以方言，廣頒中外，使婦人小子，無不曉解。國中設成均館，及設養賢庫，常養生員進士五百人，景年居館。